

سدارت کی انہاں نے جموں تے سرینگر مانہ تیاریاں گا جائیزو لیتا واں شرکاء خصوصی

اسکولی بچاں واسطے ٹرانسپورٹ بیسن تے کھان غی اشیاء غی ضروریات ور زور کھلیو  
چیف سیکرٹری نے ثقافتی حساں مانہہ خصوصی طور ور معزور بچاں نائل شامل کرن غی  
ہدایت کی ہے تے میونسپل اداراں نانہہ کھیو ہے کہ وے پریڈ غا مقامات غے ارد گرد صفائی  
نانہہ یقینی بناویں۔

## PM MAN KI BAAT

وزیر اعظم نریندر مودی ۹۱ جنوری نانہہ اکشوانی ور من غی بات پروگرام مانہہ ملک تے  
بیرون ملک رین آلا بھارتیاں سنگ اپنا خیالات سانجی کریں گا واضع رہ جے یاہ مہینہ وار  
ریڈیو پروگرام کی ۸۱ ویں قسط وے گی۔ یاہ نشریات آکاشوانی تے دور درشن دواں ور  
دستیاب وے غی اس تیں علاوہ وزیراعظم غا دفتر اطلاعات و نشریات غی وزارت آکاشوانی  
تے دور درشن غا یوٹیوب چینل تیں براہ راست دکھائی جے غی ہندی نشریات تیں بعد  
آکاشوانی ور یوہ پروگرام علاقائی زبان مانہہ نشر کیو جے غو۔

## ANNOUNCEMENT

علاقائی خبراں آلو شعوبو آکاشوانی جموں نے کٹھوعہ ضلع واسطے پارٹ ٹائیم نمائندہ غی  
درخواست طلب کیں ہیں فہرست مانہہ شامل ہون واسطے کٹھوعہ ضلع مانہہ رہن آلا ۶۲ سال  
تیں ۰۵ سال غی عمر غا امیدوار درخواست طلب کرسکیں پی ٹی سی واسطے کم از کم  
ضروری قابلیت پی جی ڈپلمو یا صحافت مانہہ ڈگری تے یا پھر کسی تسلیم شدہ یونیورسٹی  
تیں ۲ سال غو صحافت ۶ تجربہ غے نال گراجیوایشن اس تیں علاوہ کمپیوٹر تے  
ورڈ پروسیسنگ غو علم خبر جمع کرن تے الیکٹرونک میڈیا کوریج غو تجربو ضروری  
ہے۔ امیدوار نانہہ ڈسٹکٹ ہیڈ کواٹر تے میونسپل کی حدور تیں ۰۱ کلو میٹر گا دائیرہ مانہہ  
ہونو چاہیے تمام ضروری دستاویزات غے نال درخواست غی ہارڈ کاپی ۵۱ فروری ۵۲۰۲  
توڑی ہیڈ ریجنل نیوز بولیٹ آکاشوانی جموں غے دفتر مانہہ پُجائیں جس غو پین کوڈ ہے  
ور ہوم پیج غا [www.newsonair.gov.in](http://www.newsonair.gov.in) ۱۰۰۰۸۱ درخواست اشتہار ماری ویب سائٹ  
آخر مانہہ آسامیاں آلہ آکن ور دستیاب ہے۔

## TRANSPORT COMMISSIONER

جموں کشمیر گا ٹرانسپورٹ کمشنر و شیش پال مہاجن نے اعلان کیو ہے جے خطہ مانہہ  
الیکٹرک رکشاں گو کرایو فی مسافر کلو میٹر ۰۱ روپیہ مقرر کیو گیو ہے تے زیادہ توں  
زیادہ غو فیصلو ۶ کلو میٹر تک وے غو انہاں نے کھیو جے دو جاسارہ آتو رکشاں واسطے  
میٹرز گو استعمال لازمی وے گو زرائع ابلاغ سنگ گل بات کرتاں واں ٹرانسپورٹ غی اولین  
زمے داری ہے تے ایسا درانیور غے خلاف سخت کاروائی کی جے گی جہیڑہ مسافراں تیں  
زیادہ کرایو وصول کریں یا بغیر مناسب پرمٹ غے کم کریں۔

## ARMY DADHKAI

بھارتی فوج نے ضلع دوڈھ مانہہ میوٹ ویلیج آف انڈیا غا نام تیں مشہور ڈاڈکی مانہہ معزور  
باشنداں نانہہ سُنن آلی مشین ویل چئیر سلانی غی مشین شمیسی لانیٹ تے بیٹری تیں چلن آلی  
لاٹھی تقسیم کی اس کوشش غو مقصد گراں آلا غی زندگی نانہہ بہتر بنانو تے اُن واسطے  
ضروری آلات مہیہ کرنو تھو جہیڑی فلاح و بہبود نانہہ فروغ دین واسطے فوج غا عزم غی  
عکاسی کرے اس موقع ور سابق بی ڈی سی چنیرمین محمد بنیف ڈیڈر نے اس طرح کھیو۔

## BAMBOO UDHAMPUR

دیہی کاریگراں نانہہ باختیار بنان واسطے ضلع ادھمپور مانہہ مشترکہ ہنر غی ترقی بانس کاری مرکز کاریگراں نانہہ جدید طریقہ تے انداز غی تربیت دے رہیو ہے اس اقدام گو مقصد بانس غی مقامی صنعت نانہہ فروگ دینو تے ان غی مہارت نانہہ بدھانو ہے۔ تے کاریگراں نانہہ جدید مہارتاں تیں آراستہ کرن تیں یاہ تربیت ان واسطے نوا معاشی راستہ کھولے غی تے خطہ غی خودانحصاری تے ترقی نانہہ بدھاوے غی۔ اس موقع ور گراں ڈلسار گا ٹرینر نے اس طرح کہیو۔

## COOPERATIVE RAMBAN

دیہی اقتصادی ترقی نانہہ فروغ دین غا مقصد سنگ ضلع رام بن مانہہ محکمہ امداد باہمی غی طرفوں بہت جلد نمائیشاں تے پروگراماں گو انعقاد کیو جے گو ان پروگراماں مانہہ شراکت دار سرکاری اہلکار تے کواپریٹو سوسائٹی گا اراکین شامل وینگا یاہ پہل مقامی برادری نانہہ باختیار بنان تے تعاون غی کوششاں غے زریعے روزگار غا موقعان نانہہ بہتر بنان غی کوشش گو ایک حسو ہے مہارہ ضلعی نامانگار اج دیپ سنگھ نال بات چیت کرتاں واں ڈپٹی تجسٹرار کواپریٹو رام بن پرینکا شرما نے مزید کُج اس طرح دسیو۔

## WEATHER

محکمہ موسمیات نے ۰۲ تے ۱۲ جنوری نانہہ ہلکی بارش تے اُچیراں علاقان مانہہ برف باری گی پیشن گوئی کی ہے اس ضمن مانہہ مزید جانکاری دتی گئی ہے جے ۲۲ تو ۳۲ جنوری بشکار جموں گا میدانی علاقان مانہہ ہلکی توں درمیانی درجہ گی بارش ہوسکے۔ جدکہ کُجھ ہی علاقان مانہہ برف باری گی پیشن گوئی کی گئی ہے

## URS

ریاسی ضلع غا یارکھہ علاقہ مانہہ زیارت شریف چنڈی موڑ ور مسروف بزرگ باجی میاں مہمد اسمانیل رحمتاﷲ علیہ گو ۵۵ ووں سالانہ عرس پاک ۰۲ جنوری ۵۲۰۲ تیں شروع ہو رہیو ہے جت ختماں ومعظمتاں تلاوت قران پاک تے نعت شریف غی مہلساں گو احتتام کیو جارہیو ہے زیارت شریف غا گدی نشین غے مطابق ۴۲ جنوری ۵۲۰۲ بروز جمعہ نانہہ سویرے ۱۱ بجیے دعائے قل سنگ یوہ عرس پاک اختتام پزیر وے غو۔